

nostrisque successoribus, ac canonicis faciendis, decimas de ecclesiis, videlicet, skýri. Nessýohult. vernamo. Tando. owaxthorp. Gællurýdh. frøale. haxsýohult. Toftrýdh. kæpsýo. aker. decetero recipiemus, aliis decimis tam nouis quam antiquis, in Ecclesiis videlicet, alsýdha. Mýrisbodhe. limandahult. Mýrisýo. Næuilsýo. sketha. integraliter et inconcussa, predictis, abbati et conuentui, noue vallis remanentibus in perpetuum pleno jure. eosdem, abbatem et conuentum, ab expensis predictis, stipulacione sollempni, et legitima absoluentes. ac renunciantes, nostro, ecclesie nostre, successorumque nostrorum, nomine, omni excepcioni, doli. mali. fraudis, decepcionis, alienacionis, seu alio quocunq̄ beneficio, vel auxilio, canonici juris vel ciuilis, quod nobis, ecclesie nostre, et successoribus nostris, in premissis prodesse. ac predictis, abbati et conuentui, noue vallis obesse valeat in futurum. Ne igitur predicta ordinacio, de cetero ab aliquo inficiari valeat, aut quomolibet violari. ipsam in scriptis redactam. sigillo Magnifici principis. domini býrgeri dei gracia illustris Regis swechie, et sigillo reuerendi patris domini Nicolai diuina miseracione vpsalensis ecclesie archiepiscopi. vna cum sigillo nostro, et capituli nostri in testimonium et munimen perpetuum fecimus roborari. Datum stokholmis. anno domini. Millesimo. Triscentesimo. feria sexta proxima, post octauam ascensionis domini.

Sigillen, utom ett fragment af N:o 1., alla bortfallna; hafva hængt, de 3 första på röda, det 4:de på gula silkestrådar.

1317.

1300 d. 29 Maj.

Konung BIRGERS Bref på hela Fjerhundralet med Enköpings stad, till morgongåfva för dess Gemål, med förbindelse, att, enligt förut träffad öfverenskommelse, öka samma gåfva med andra gods, om denna skulle befinnas vara mindre än den Konungens syster Ingeborg af Konungen i Danmark erhållit.

L. d: 2. a. 72.

Omnibus præsentibus litteris inspecturis, BIRGERUS, Dei gratia, Sueorum, Gothorumque Rex, salutem in Domino sempiternam. Rationi consonum arbitramur, ut ea, quæ per Principes provida deliberatione pro bono pacis, et mutue dilectionis vinculo gesta sagaciter fuerint et statuta, ipsorum successores stabiliant et observent. Hinc est, quod inter Magnificos Principes ac Dominos, Ericum quondam Regem Danorum, et dilectum patrem nostrum, Magnum, Regem Sueciæ, felicis recordationis, tempore sponsalium inter Dominum Ericum, nunc regem Daciæ illustrem, et dilectam sororem nostram Dominam Ingeburgem ex una parte, et Nos et Consortem nostram ex altera con-

contractorum, placitatum exstitit in hunc modum: Quod quicumque nostrum, scilicet Dominus Ericus nunc rex Daciæ præmissus, vel Nos, prius matrimonium consummaret contractu, rite suas nuptias celebrando, quantacunque donatione propter nuptias suam uxorem honoraret, ad tantam donationem ille nostrum qui subsequenter suas nuptias celebraret, suæ uxori teneretur assignare. Nos igitur eandem Consortem nostram dilectam omni honore et dilectionis privilegio, quo poterimus prosequi cupientes, ut tenemur, sibi totam Fiedrundiam cum suis obventionibus et redditus dedimus et assignavimus, pleno jure perpetuo possidendam, ratione donationis propter nuptias supra dictæ, una cum villa forensi Enecopia, in eadem terra sita, conditione servata eadem et consimili, qua donatio Sorori nostræ prædictæ, ab ipso Rege Daciæ fuerit assignata. Si vero præmissi redditus de prædicta terra et villa Enecopensi provenientes, quo minus valuerint seu minores fuerint, quam quod præclarus princeps Dominus Ericus, rex Danorum prædictus Sorori nostræ dignoscitur contulisse, Nos de bonis nostris aliis defectum hujusmodi, in locis ipsi Uxori nostræ aptioribus et utilioribus, ita supplebimus, quod eadem donatio nostra tanta sit penitus in redditibus, quanta donatio facta ipsi Sorori nostræ per Dominum Regem Daciæ supradictum. Datum anno Domini MCCC. die Pentecostes.

1318.

1300 d. 30 Maj *).

Stockholm.

Konung BIRGERS Bref till Höfvidsmannen i Finland Nils Andersson, med tillstånd för några hemmansägare, att fortfarande få till odling begagna skogarne i Tavastland.

- K. i. 188.

BERGERUS Dei gratia Swenorum Gothorumqve Rex, discreto viro Domino Nicolao Andersson Præfecto Finlandiæ, salutem in Domino sempiternam. Accedentes ad nos præsentibus exhibitores Michael de Lappafærd, Andar de Sastamell et Tobbe de Tenka nobis sua propositione de sylvis in Tawastia querulosa monstrarunt, quod secundum quorundam prædiorum culturam de quibus sylvis in Tawastia quas ex speciali concessione et licentia Domini Haraldidi quondam ibidem advocati nostri hactenus excoluerant, nunc ut asserunt molestantur et impetuntur nimis injuste. Qvare cum Fratri carissimo Duci Waldemaro mage proficuum esse dinoscitur quod terra sua per homines discretos ydoneos excolatur et inhabitetur qvam deserta relinqvitur, volumus et mandamus itaqve, qvatenus super præmissis homines prædictos a

*) Skulle kunna vara 1303 den 1 Juni.
Sv. Diplom. II.